

wen also geschicht noch allen
den die sich gern sondret. von d
sammung. die siht d tufel an
vñ nimet war vs sondrens.
vñ vs sondren sinnes. vñ geual
lent im alle samet wol. dz er si
minet. vñ dar nach legimmet
er es in ze helen. vñ ruzet sv
vff dz sond ding. dz si alles vo
d sammung ziehet. vñ so er si
also vaste drin bringet dz sv
nieman went volgen. si went
alles iren sin fürlich haben. so
kerriget er si dene mit sine lö
sen listen. dz si im volget. vnd
wirfet si dene in etlich sünde
vñ sint dene da mit verlor.
Entriuwen da von sont wir vs
sondren nit. vñ sont vns hütē
vor allen sondren dingen. won
es ist gar vngwärllich. d tufel
ist gar listig. dz er dik mit gv
ten bilden den mētlichen vlatet
dar. dannan in nieman brin
gen mag. noch enkan. vñ da
von sont wir alles an in der
sammung varn. so varēt wir
sicherlich. wir söllent weder

vor varen noch hindnen nah.
komen. won etlich went für
varen vñ went fliegen. e. dz
si gevident. dz si sint die die sich
sondrent vñ sondr ding an
nemēt von d sammunge. die
wellēt lötzsel essen. vnd noch
niem schlaffen. vñ niem an
dem bette erwarntē. vñ gene
mēt also venien vñ disciplin
dz si also top vident. dz si en
willet w si schaffent. **I**n tri
wen so die wärmēt fliege. so
vallen si. vñ vident dik die hi
drosten. die die vordroste wā
nēt sin. vñ da von sprichet d
wisläg. dz die aller sicherli
chost varent die in d mengi
varent. **U**nser hre wolt nit
allaine ze hymel varen. **E**
für mit ain grossen mengi.
baidv engel vñ mētlichen. **I**n
triuwen. da bi gab er vns ze
merkē. dz och wir mit sam
nung dar sont varn. so va
rēt wir vrollich. **A**lso sprichet
sant iohānes in Apocalypsi.
dz im wart erzaiget zwelf